

Dato' Onn menuduh orang Melayu jahil dan bodoh tak dapat menyelenggarakan hal ehwal agamanya sendiri masih berharap kepada "orang yang bukan orang Tanah Melayu dan yang bukan setia dan taat kepada Tanah Melayu". Boleh jadi juga ada orang Islam yang begitu tetapi biasanya jika terjadi perkara-perkara agama maka tidak ada Melayu, tidak ada Arab, tidak ada Pakistan, tidak ada Indonesia dan seterusnya – masing-masing mereka bersatu dengan nama Islam membela segala yang mengenai keadaan mereka itu. Barangkali Dato' Onn fikir orang yang taat kepada Tanah Melayu itu ialah suku sakat Dato' Tan Cheng Lock dan Dato' Thuraisingham sahaja. "Taat setia" sahabat-sahabat Dato' Onn itu boleh nampak sekarang iaitu pintu Pejabat Imigresen di Kuala Lumpur sampai pecah diserbu oleh belia-belia sebangsa dengan Dato' Tan Cheng Lock kerana melepaskan kerahan perkhidmatan raya yang dikehendaki di Tanah Melayu – mau balik Tong Sua – sedang Tuan Ramani pula berkata: "Orang Indian itu berhati Indian berdarah Indian" dan seterusnya harus



kerana negeri India dengan mengambil kekayaan di Tanah Melayu inilah jatuhnya taat setia yang Dato' Onn percaya kepada ketaatan mereka – tidak ketaatan di dalam persaudaraan Islam.

-----*

Orang Melayu memandang negeri ini negeri Melayu tanah tempat tumpah darah orang Melayu dengan beraja orang Melayu. Tetapi rancangan pelajaran sepuluh tahun yang ditaja oleh kerajaan ialah untuk membentuk penduduk-penduduk bagi bangsa Malayan – bukan bagi orang Melayu ini belum cukup terang tetapi yang lebih terang lagi ialah apabila berdiri "Kerajaan Tanah Melayu" yang menjadi Menteri Pelajarannya ialah Dato' Thuraisingham yang berasal dari Ceylon! Dengan ini dapatkah kita memerhati bahawa kebudayaan orang Melayu akan hilang, bangsa Melayu lebur kepada bangsa Malayan dan harus nanti agama orang Melayu, jika boleh ditukar kepada agama Kristian atau agama Hindu dan kalau pun tidak dapat

maka ulama-ulama yang mengutamakan periuk nasinya sahaja akan dipanggil supaya menambah khurafat-khurafat yang ada dengan mengadakan berbagai fatwa yang bertujuan "Dunia itu bangkai dan sesiapa yang berkehendak kepada kepadanya ialah anjing". Bukti yang terang pada masa lampau apabila mencari persatuan supaya ketua-ketua berpengaruh, orang ramai ditipu dengan dinyatakan "*hubbul watan minal iman*" itu hadis pada hal ia bukan hadis – apa kata ulama tentang ini? – Mau menggalakkan pegang "tasbih" atau mengharuskan "tasbih" juga lagikah!

-----*

Jika dahulu apabila Fakmim berdamping dengan anak-anak dagang Si Ah Cheong dan Putu Samy menghendaki supaya kedua-dua menghendaki mereka itu menukar bangsa kepada bangsa Melayu orang-orang menuduh golongan itu menjadi perkakas orang Cina. Tetapi apa kita mau sebut kepada mereka-mereka yang bercita-cita mendapatkan kerjasama kedua-dua bangsa itu dengan menukar bangsa

Melayu kepada bangsa Malayan?
Sebab gelaran ini lebih pahit
daripada kopi maka kita
pulangkan kepada kebijaksanaan
pembaca-pembaca menggelarkannya.

-----*

Agama taslim terus berjalan. Sekarang timbul lagi agama Mandi – yakni mandi dengan fatwa-fatwa yang tidak boleh didengar walau sekalipun oleh Mergastua kerana kalau mendengar sahaja akan masuk syurga bulat-bulat – *La haula wala quwatta illa biLlah* orang-orang yang terpengaruh ini atau yang menjadi korban kepada semuanya ini ialah kerana mereka tidak berpengetahuan di dalam Islam tetapi ada juga orang-orang yang terpengaruh itu orang Islam yang semenjak daripada kecilnya diselaputi oleh khurafat-khurafat mewajibkan kenduri, meminta barakah di atas kubur, meminta ke keramat dan kemudian kerana percaya sangat lalu terus menambah dengan membuat semah apa kata Pejabat-pejabat Agama di seluruh Semenanjung?! Ini satu kewajipan yang besar! Kita mengesyorkan supaya mereka itu bekerja keras menghapuskan khurafat-khurafat itu dan meninggalkan mencari kata Qil ini, kata Qil itu membawa umat semata-mata berpandu kepada pengajaran al-Quran dan al-Hadis sahaja – Cemeti Al-Farouk.